

邵陽縣令胡嶠為翰掌書記隨入契丹而翰妻爭妬告翰  
謀反翰見怒嶠無所依居虜中七年當廣順三年亡歸  
中國略能道其所見云自幽州西北入居庸關明日又西  
北入石門關關路崖狹一夫可以當百此中國控扼契丹  
之險也又三日至可汗州南望五臺山其一峯最高者東  
臺也又三日至新武州西北行五十里有鷄鳴山云唐太  
宗北伐聞鷄鳴于此因以名山明日入永定關此唐故關  
也又四日至歸化州又三日登天嶺嶺東西連亘有路北  
下四顧冥然黃雲白草不可窮極契丹謂嶠曰此辭御領  
也可一南望而為水訣同行者皆慟哭往往絕而復蘇又  
行三四日至黑榆林時七月寒如深冬又明日入斜谷谷  
長五十里高崖峻谷中不見日而寒尤甚日出谷得平地

氣稍溫又行二日渡湟水又明日渡黑水又二日至湯城  
定地氣最溫契丹苦大寒則就溫于此其水泉清冷草軟  
如茸可藉以寢而多異花記其一種一曰旱金大如掌金  
色燦人一日青囊如中國金燈而色類藍可愛又二日至  
儀坤州渡虜者河自幽州至此無里堠其所向不知為南  
北又二日至赤崖翰與元欲相及遂及述律戰于沙河述  
律兵敗而北元欲追至獨樹渡遂囚述律于撲馬山又行  
三日遂至上京所謂西樓也西樓有邑屋市肆交易無錢  
而用布有綾錦諸工作宦者翰林伎術教坊角觥秀才僧  
尼道士等皆中國人而并分幽薊之人尤多自上京東去  
四十里至真珠寨始食菜明白東行地勢漸高西望平地  
松林鬱然數十里遂入平川多草木始食西瓜云契丹破

面紇得此種必牛糞覆棚而種大如中國冬瓜而味甘又  
東行至裏潭始有柳而水草豐美有息雞草尤美而本犬  
馬食不過十本而飽自裏潭入大山行十餘日而出過一  
大林長二三里皆蕪蕪枝葉有芒刺如前科其地皆無草  
元欲時卓帳于此會諸部人葬德光自此西南行日行六  
十里行七日至大山門兩高山相去一里而長松豐草珍  
禽野卉有屋室碑石曰陵所也元欲入祭諸部大人惟執  
祭器物得入而門闔明日開門曰拋蓋禮畢問其禮皆  
秘不肯言嶠所目見囚述律莽德光等事與中國所記差  
異已而翰得罪被鎖嶠與部曲東之福州福州翰所治也  
嶠等東行過一山名十二山云此西南去幽州二千里又  
東行數日過衛州有居人三十餘家蓋契丹所虜中國

州人築城而居之嶠至福州而契丹多隣嶠教其北歸  
因得其諸國種類遠近云距契丹國東至于海有鐵甸其  
族野居皮帳而人剛勇其地少草木水鹹濁色如血吞之  
久而後可飲又東女真善射多牛鹿野狗其人無定居行  
以牛負物遇雨即張革為屋常作鹿嗚呼鹿而射之食其  
生肉能釀糜為酒醉則縛之而睡醒而後解不然則殺人  
又東南渤海又東遼國皆與契丹略同其南海曲有魚鹽  
之利又南奚與契丹略同而人好殺戮又南至于榆關矣  
西南至儒州皆故漢地西則突厥面紇西北至媼厥律其  
人長大髯頭首長全其髮盛以紫囊地苦寒水出大魚契  
丹仰食又多黑白黃貂鼠皮北方諸國皆仰足其人最勇  
隣國不敢侵又其西轄戛又其北單于突厥皆與媼厥律

略同又北黑車子善作車帳其人知孝義地貧無所產云  
契丹之先常役面紇後背走黑車子始學作車帳又北  
牛蹄突厥人身牛足其地尤寒水曰葫蘆可夏秋水厚二  
尺春冬冰徹底常燒器銷冰乃得飲東北至鞞劫子其人  
尾首披布為衣不靴而騎大弓長箭尤善射遇人輒殺而  
生食其肉契丹等國皆畏之契丹五騎遇一鞞劫子則皆  
散走其國三面皆室韋一曰室韋二曰黃頭室韋三曰獸  
室韋其地多銅錢金銀其人工巧銅鐵諸器皆精好善織  
毛錦地尤寒馬溺至地成冰堆又北狗國人身狗首長毛  
不衣手搏猛獸語為犬音其妻皆人能漢語生男為狗女  
為人自相婚嫁穴居食生而妻女人食之否嘗有中國人至  
真國其妻憐之使逃歸與其筋十餘隻教其每走十餘里

遺筋狗夫追之見其家物必斷而歸則不能追矣其說  
如此又曰契丹嘗選百里馬二十匹遣十人齎乾餼北行  
窮其所見其人自黑車子歷牛蹄國以北行一年經四十  
三城居人多以木皮為屋其語言無譯者不知其國地山  
川部族名號其地氣遇平地則溫和山林則寒冽至三十  
三城得一人能鐵甸語其言頗可解云地名頡利烏于耶  
壇云自此以北龍蛇猛獸魑魅群行不可往矣其人乃還  
此北荒之極也契丹謂嶠曰夷狄之人豈能勝中國然晉  
所以敗者主暗而臣不忠因具道諸國事白子歸采以語  
漢人使漢人努力事其主無為夷狄所虜吾國非人境也

嶠歸錄以為隋虜記云

契丹年號諸家所記皆非一昔矣可考

光立晉高祖册文云惟天顯九年歲次丙申是歲乃晉天福元年推而  
上之得唐天咸三年戊子為天顯元年按契丹附錄德光與唐明宗同

年而立三年改元天顯與此正合矣又據開運四年德光滅晉入木  
驛救稱會同十年推而上之得天福三年為會同元年是天顯盡十年  
而十一年改為會同矣惟此二者其據甚明餘皆不足考  
也附錄所載庚戌年號多各不書蓋無所用故不必備也

五代史記第七十三

五代史記卷第七十四

四夷附錄三

宋歐陽脩撰徐無黨注明汪受慶高濬傳汝舟校

奚本匈奴之別種晉唐之末居陰涼川在營府之西幽州  
之西南皆數百里有人馬二萬騎分為五部一曰阿耨部  
二曰啜米部三曰輿質部四曰奴皆部五曰墨訖支部後  
徙居琵琶川在幽州東北數百里地多黑羊馬踰前蹄堅  
善走其登山逐獸下上如飛契丹阿保機強盛室韋奚  
皆服屬之奚人常為契丹守界上而苦其苛虐奚王去諸  
怨叛以別部西徙媯州依此山斂獵常採北山麋鹿百仁參  
賂劉守光以自託其族至數千帳始分為東西奚去諸之  
族頗知耕種歲借邊民荒地種稼秋熟則來獲善之山下  
人莫知其處驟以平底瓦甃煮糝為粥以寒水解之而飲

年而立三年改元天顯與此正合矣又據開運四年德光滅晉入木  
驛救稱會同十年推而上之得天福三年為會同元年是天顯盡十年  
而十一年改為會同矣惟此二者其據甚明餘皆不足考  
也附錄所載庚戌年號多各不書蓋無所用故不必備也

五代史記第七十三

五代史記卷第七十四

四夷附錄三

宋歐陽脩撰徐無黨注明汪受慶高濬傳汝舟校

奚本匈奴之別種晉唐之末居陰涼川在營府之西幽州  
之西南皆數百里有人馬二萬騎分為五部一曰阿耨部  
二曰啜米部三曰輿質部四曰奴皆部五曰墨訖支部後  
徙居琵琶川在幽州東北數百里地多黑羊馬踰前蹄堅  
善走其登山逐獸下上如飛契丹阿保機強盛室韋奚  
皆服屬之奚人常為契丹守界上而苦其苛虐奚王去諸  
怨叛以別部西徙媯州依北山斂獵常採北山麋鹿百仁參  
賂劉守光以自託其族至數千帳始分為東西奚去諸之  
族頗知耕種歲借邊民荒地種稼秋熟則來獲善之山下  
人莫知其處驟以平底瓦甍者為粥以寒水解之而飲

去諸卒子掃刺立莊宗破劉守光賜掃刺姓李更其名紹  
威紹威卒子拽刺立同光以後紹威父子數遣使朝貢初  
紹威娶契丹女吉利逐不魯之姊為妻後逐不魯叛亡入  
西奚紹威納之晉高祖入立割幽州鴈門以北入于契丹  
是時紹威與逐不魯皆已死耶律德光已立晉北歸拽刺  
迎謁馬前德光曰非爾罪也負我者掃刺與逐不魯尔乃  
殺其墓粉其骨而颺之後德光滅晉拽刺常以兵從其後  
不復見於中國自去諸徙媯州自別為西奚而東奚在琵琶  
小者亦為契丹所并不復能自見云

吐渾本號吐谷渾或曰乙伏乾即之苗裔自後魏以來名  
見中國居於青海之上當唐至禡帝為吐蕃所攻部族分  
散其內附者唐處之河西其大姓慕容拓拔赫連等族

宗時首領赫連鐸為陰山府都督龜討麗劬以功拜大同  
軍節度使為晉王所破其部族於嚴散處蔚州界中莊宗  
時有首領白承福者依中河北石門為柵莊宗為置寧朔  
奉化兩府以承福為都督賜其姓名為李紹黃終唐時常  
遣使朝貢中國晉高祖立割鴈門以北入于契丹於是吐  
渾為契丹後屬而苦其苛暴是時安重榮鎮成德有異志  
陰遣人招吐渾入塞承福等乃自五臺山入處中國契丹  
耶律德光大怒遣使者責謂高祖高祖恐懼遣供奉官張  
澄率兵搜率并鎮忻代等州山谷中吐渾驅出之然晉亦  
苦契丹思得吐渾為緩急之用陰遣劉知遠鎮太原慰撫  
之終高祖時承福數遣使者朝貢後出帝與契丹絕盟召  
承福入朝拜大同軍節度使待之甚厚契丹與晉相距于

河承福以其兵從中帝御虜是歲大熟吐渾多病死乃遣承福歸太原居多嵐石之間劉知遠稍侵辱之承福謀復亡出塞知遠以兵圍其族殺承福及其大姓赫連海龍曰可久白鐵匱等其卒馬壯財鉅萬計其籍多其餘衆以其別部王義宗主之吐渾遂微不復見初唐以承福之族為熟吐渾長興中又有生吐渾杜每兒來朝貢每兒不知其國地部族至漢乾祐二年又有吐渾何戛爾來朝不知為生熟渾蓋皆微不足考錄

達鞠靺鞨之遺種本在奚契丹之東北後為奚契丹所攻而部族分散或屬靺鞨舟或屬渤海其別部散居陰山者自號達鞠當唐末必見中國有每相溫于越相溫咸通中從朱耶赤心討麗賢後李國昌克用父子為莽達鞠等

所敗其亡入達鞠後從克用入關破黃巢由是居雲代之間其俗善騎射多駝馬其君長部族名字不可究見惟其嘗通於中國者可見云同光中都督折文通數自河西來貢駝馬明宗討王都於定州都誘契丹入寇明宗召達鞠入契丹界以張軍勢遣密州刺史薛敏忠以所獲契丹團牌二百五十及弓箭數百賜雲州生界達鞠蓋唐常後屬之長興三年首領胡哥率其族四百餘人來附訖于顯德常來不絕

党項西羌之遺種其國在馬真析支之地東至松州西接葉護昭莫春祭北隣吐渾有地二千餘里無城邑而有室屋以羊刳覆之其人喜盜竊而多壽往往至百五六十歲其大姓有細封氏費聽氏折氏野利氏拓拔氏為最强唐

德宗時党項諸部相率內附居慶州者號東山部落居夏  
州者號平夏部落部有大姓而無君長不相統一散處邠  
寧鄜延靈武河西東至麟府之間自同光以後大姓之強  
者各自來朝貞明宗時詔以邊置場市馬諸夷皆入市  
中而所售常過直往來館給道路官費其每至京師明宗為  
御殿見之勞以酒食既醉連袂歌呼道其土風以為樂去  
又厚以賜資歲耗百萬計唐大臣皆患之數以為言乃詔  
更就邊場售馬給直止其來朝而党項利其所得來不可  
止其在靈慶之間者數犯邊為盜自河西回鶻朝貢中國  
道其部落輒邀劫之執其使者賣之他族以易牛馬明宗  
遣靈武康福邠州韓延稠等出兵討之福等擊破阿埋

乘襲勒強賴埋斬骨尾及其大首領連香季人降王都統  
悉那埋摩侍御乞埋蒐悉浦等族殺數千人獲其牛羊銀  
萬計及其所劫外國寶玉等悉以賜軍士由是党項之患  
稍息至周太祖時府州党項尼也六泥香王子拓拔山等  
皆來朝貞廣順三年慶州刺史郭彥欽會其羊馬侵擾諸  
部獨野雞族強不可近乃誣其族犯邊太祖遣使招慰之  
野雞族苦彥欽不肯聽命太祖遣邠州折從阮寧州刺史  
張建武等討之建武勇於立功不能通夷情馳軍擊野雞  
族殺數百人而喜王折思殺半三族聞建武擊破野雞族  
各以半酒犒軍軍士利其物反劫掠之三族共誘建武軍  
至包山度險三族共擊之軍格崖谷死傷甚衆太祖怒罪  
建武等遣長史為慶州刺史以招撫之其作諸族散處公



邊界上者甚眾然其無國地君長故莫得而紀次云

突厥國地君世部族名號物俗見於唐者矣至唐之末為諸夷所侵部族散五代之際嘗來朝貢同光三年渾解纁來夫成二年首領張業嘗來長興二年首領杜阿孰來天福六年遣使者薛同海等來凡四至其後不復來然突厥於時最微又來不數故其君長史皆失不能紀

吐蕃國地君世部族名號物俗見於唐者矣當唐之盛時河西隴右三十三州涼州最大土沃物繁而合當樂其地宜馬唐置八監牧馬二十萬匹以安西都護府羈縻西域三十六國唐之軍鎮監務二百餘城常以中國兵戍成而涼州置節度使安祿山之亂肅宗起靈武悉召河西兵避難而吐蕃乘虛攻陷河而隴右華人百萬皆陷于虜矣

唐時嘗遣使者至西域見其涼瓜沙等州城邑如故而陷虜之人見唐使者夾道迎呼涕泣曰皇帝猶念陷蕃人民否其人皆大寶中陷虜者子孫其語言稍變而衣服猶不改至五代時吐蕃已微弱回鶻覺項諸羌夷分侵其地而不有其人民值中國衰亂不能撫有惟其涼瓜沙四州常自通於中國其州為回鶻牙而涼瓜沙三州將吏猶稱唐官數來請命自梁太祖時常以靈武節度使兼領河西節度而觀察其肅威等州然雖有其名而涼州自立守將唐長興四年涼州留後孫超遣大將拓拔承謙及僧道古者老楊通信等至京師求旌節明宗問孫超等世家承謙曰吐蕃陷涼州張掖人張義朝募兵擊走吐蕃唐因以朝義為節度使發鄆州兵二千五百人戍之唐亡天下亂涼州

以東為突厥克項所開鄆兵遂留不得返今涼州漢人皆  
其成與子孫也明宗乃拜孫超節度使清泰元年留思李  
文謙來請命後數年涼州人逐出文謙靈武馮暉遣牙將  
吳繼勳代文謙為節度使是時天福七年明年晉高祖遣涇  
州押牙陳延暉資詔書安撫涼州涼州人共劫印田延暉立  
以為刺史至漢隱帝時涼州留後折逋嘉施來請命漢即  
以為節度使嘉施土豪也周廣順二年嘉施遣入市馬京  
師因來請命帥是時樞密使王峻用事峻故人申師厚者  
少起盜賊為交州牙將與峻相友善後峻為師厚弊不達  
旨曰候峻出拜馬前訴以饑寒峻未有以發而嘉施等來  
請師峻即建言嘉州深入夷狄中國未嘗命申請率募府  
卒供奉官能往者有月餘無應募者乃奏起師厚為左衛將

軍已而拜河西節度使師厚去涼州奏薦押衙副使崔虎  
心陽妃谷首領沈念般等及中國留人子孫王廷翰溫崇  
樂劉少英為將吏又自安國鎮至涼州立三州以控扼諸  
羌用其酋豪為刺史然涼州夷夏雜處師厚小人不能撫  
有至世宗時師厚留其子而逃歸涼州遂絕於中國獨瓜  
沙二州終五代常來沙州梁開平中有節度使張奉自號  
金山白衣天子至唐莊宗時回鶻來朝沙州留後曹義金  
亦遣使附回鶻以來莊宗拜義金為歸義軍節度使瓜沙  
等州觀察處置等使晉天福五年義金卒子元德立至七  
年沙州曹元忠瓜州曹元深皆遣使來周世宗時又以元  
忠為歸義軍節度使元恭為瓜州團練使其所貢鋼砂羚羊  
羊角波斯錦安西白氈金星鬃胡桐律大鵬砂氈褐玉團

皆因其來者以名見而其卒立世次史者皆失其紀而吐蕃不見於梁世唐天成三年回鶻王仁喻來朝吐蕃亦遣使附以來自此數至中國明宗嘗御端明殿見其使者問其牙帳所居曰西去涇州二千里明宗賜以虎皮人一張皆披以拜委身宛轉落其纒帽疑亂如蓬明宗及左右皆大笑至漢隱帝時猶來朝後遂不復至史亦失其君世云回鶻為唐患尤甚其國地君世俗物見於唐著矣唐嘗以女妻之故其世以中國為舅其國本在娑陵水上後為黠戛斯所侵徙天德振武之間又為石維張仲武所破其餘衆西徙後屬吐蕃是時吐蕃已陷河西隴右乃以回鶻散處之當五代之際有居甘州西州者嘗見中國而甘州回鶻數至猶呼中國為舅中國答以詔書亦呼為甥梁乾德

元年遣都督周易言等來云史不見其君長名號梁解易言等官爵遣左監門衛上將軍楊沼押領還蕃至唐莊宗時王仁美遣使者來貢王馬自稱權知可汗莊宗遣司農卿鄭績持節問仁美為英義可汗是歲仁美卒其弟狄銀立遣都督安千想等來同光四年狄銀卒阿咄欲立天成二年權知國事王仁裕遣李阿山等來明宗遣使者問仁裕為順化可汗晉高祖時之朋為奉化可汗阿咄欲不知其為狄銀親疏亦不知其立卒而仁裕訖五代常來朝貢史亦失其紀其地出玉犛牛綠野馬獨峰駝白貂鼠羝羊角硎砂脰胸臍金剛鑽紅鹽罽纒駝之革其地宜白麥青麩麥與麻苧非胡苧以麩罽耕而種其可汗常樓居妻號天公主其國相號媚祿都督見可汗則去帽被髮而入

以為禮婦人總髮為髻高五六寸以紅絹囊之既嫁則加  
藍帽又有別族號龍家其俗與回紇小異長興四年回鶻  
來獻白鶻一聯明宗命解縲放之自明宗時常以馬市中  
國其所齎寶玉皆鬻縣官而民犯禁為市者輒罪之周太  
祖時除其禁民得與回鶻私市玉價由此倍賤顯德中來  
獻玉世宗曰玉雖寶而無益却之

于闐國地君世物俗見於唐五代亂世中國多故不能撫  
來四夷其嘗自通於中國者僅以名見其君世終始皆不  
可知而于闐尤遠去京師萬里外其國西南近拔嶺與婆  
羅門為鄰國而相去猶三千餘里南接吐蕃西北至疎勒  
二千餘里晉天福三年于闐國王李聖天遣使者馬繼榮  
來貢紅鹽罽余裝犀牛尾玉氍毹等晉遣供奉官張匡勣

卿彰武軍節度判官高居誨為判官開聖天為大寶  
贖國王是歲冬十二月匡勣等自靈州行二歲至于闐至  
七年冬乃還而居誨頗記其往復所見山川諸國而不能  
道聖天世次也居誨記曰自靈州過黃河行三十里始涉  
沙入党項界曰細腰沙神點沙至三公沙宿月支都督帳  
自此沙行四百餘里至黑堡沙先廣遂登沙嶺沙嶺竟  
頂牙也其酋曰拾崖天子渡白草河至涼州自涼州西行  
五百里至甘州甘州回鶻牙也其南山白餘里漢小月支  
之故地也有別族號鹿角山沙陀云朱耶氏之遺族也自  
甘州西始涉磧磧無水載水以行甘州人教晉使者作馬  
蹄木蓋木蓋四竅馱馬蹄亦斃金四竅而綴之駝蹄則包以氈  
皮乃可行西北五百里至肅州渡金河西百里出天門關

又西百里出王門關經吐蕃界吐蕃男子冠中國帽婦人  
辮髮戴瑟瑟珠云珠之好者一珠易一良馬西至瓜州沙  
州二州多中國人聞晉使者來其刺史曹元深等郊迎問  
使者天子起居瓜州南十里鳴沙山云冬夏殷殷有聲如  
雷云禹貢流沙也又東南十里三危山云三苗之所嘗也  
其西渡都鄉河曰陽關沙州西曰仲雲其牙帳居胡盧磧  
云仲雲者小月支之遺種也其人勇而好戰瓜沙之人皆  
憚之胡盧磧漢明帝時吐匈奴屯田於吾廬蓋其地也地  
無水而常寒多雪每大風雪銷乃得水匡鄴等西行入仲  
雲界至大屯城仲雲遣辛相四人都督三十七人候晉使  
者匡鄴等以詔書尉諭之皆東向拜自仲雲界西始涉磧  
磧無水掘地得濕沙人畏之胸以止渴又西渡陷河伐磧

中乃渡不然則陷又西至緄州緄州于闐所置也  
州西南云去京師九千五百里又行二日至安軍州  
遂至于闐聖天衣冠如中國其殿皆東向曰金闕殿有樓  
曰七鳳樓以蒲桃為酒又有紫酒青酒不知其所釀而味  
尤美其食粳沃以蜜粟沃以酪其衣布帛有園圃花木俗  
喜鬼神而好佛聖天姑處嘗以紫衣僧五十人列侍其年  
號同慶于九年其國東南曰銀州廬州眉州其南千三  
百里曰玉州云漢張騫所窮河源出于闐而山多王者此  
山也其河源所出至于闐分為三東曰白玉河西曰綠玉  
河又西曰烏玉河三河皆有玉而色異每歲秋水涸國王  
勞王于河然後國人得勞王自靈州渡黃河至于闐往往  
見吐蕃族帳而于闐常與吐蕃相攻劫匡鄴等至于闐聖

天頰青謂之以邀檣約臣執等還聖天不遣都督劉再昇  
獻玉千斤及玉印降魔杵等漢乾祐元年又遣使者王知  
鐸來

高麗本扶餘之別種也其國地君世見於唐比佗夷狄有  
姓氏而其官號略可曉其義當唐之末其王姓高氏同光  
元年遣使廣評侍郎韓申一副使春部少卿朴巖來而其  
國王姓名史失不紀至長興三年權知國事王建遣使者  
來明宗乃拜建玄菟州都督玄大義軍使封高麗國王建  
高麗大族也開運二年建卒子武立乾祐四年武卒子昭  
立王氏三世終五代常來朝貢其立也必請命中國中國  
常優答之其地產銅銀周世宗時遣尚書水部員外郎韓  
德卿以帛數千匹市銅于高麗以鑄錢六年昭遣使者

書銅五萬斤高麗俗知文字喜讀書昴進別叙孝經一卷  
越王新義八卷皇靈孝經一卷孝經惟圖一卷別叙叙孔  
子所生及弟子事亦越王新義以越王為問目若今正義  
皇靈采述延年辟穀惟圖載曰食皇靈比皇經之說

渤海本號靺鞨高麗之別種也唐高宗滅高麗徙其人散  
處中國置安東都護府於平壤以統治之武后時契丹攻  
北邊高麗別種大乞乞仲象與靺鞨酋長乞乞比羽走遼  
東分王高麗故地武后遣將擊殺乞乞比羽而乞乞仲象  
亦病死仲象子祚榮立因并有比羽之衆其衆四十萬人  
據遼婁臣于唐至中宗時置忽汗州以祚榮為都督封渤  
海郡王其後世遂號渤海其貴族姓大氏開平元年國王  
大諲譔遣使者來訖願德常來朝貢其國土物產與高麗

同謹撰世次立卒史失其紀

新羅弁韓之遺種也其國地君世物俗見於唐其大族曰金氏朴氏自唐高祖時封金真為樂浪郡王其後世常為君長同光元年新羅國王金朴英遣使來朝貢長興四年權知國事金薄遣使來朴英溥世次立卒史皆失其紀自晉已後不復至

黑水靺鞨本號勿吉當後魏時見中國其國東至海南界高麗西接突厥北鄰至韋蓋肅慎氏之地也其衆分為數十部而黑水靺鞨最處其北尤勁悍無文字之記其兵角為楛矢同光二年黑水兀兒遣使者來其後常來朝貢自登州泛海出青州明年黑水胡獨鹿亦遣使來兀兒胡獨鹿若其兩部酋長各以使來而其部族世次立卒史皆失

其紀至長興三年胡獨鹿卒子桃李花立嘗請命中國後遂不復見云

南詔蠻見於唐其國在漢故永昌郡之東姚州之西僖宗幸蜀募能使南詔者得宗室子李龜年及徐虎娃等乃以龜年為使虜為副諺為官使南詔南詔所居曰苴咩城龜年等不至苴咩至善闡得其要約與唐為盟僖宗許以安化公主妻之南詔大喜遣人隨龜年等求公主已而黃巢敗收復長安僖宗東還乃止同光三年魏王繼岌及郭崇韜等破蜀得王衍時所俘南詔蠻數十人又得徐諺自言嘗使南詔乃矯詔還其所俘遣諺等持金帛招撫南詔諭以威德南詔不納至明宗時雋州山後兩林百蠻都鬼主右武衛大將軍李卓晚遣大鬼主傳能何華來朝貢明

宗拜甲晚寧遠將軍又以大渡河南山前印州六姓都鬼  
主懷安郡王勿定標莎為定遠將軍明年遣左金吾衛將  
軍馬昭遠為人蠻國信使昭遠不能達而還  
牂牁蠻在辰州西五百里以耕植為生而無城郭聚  
落有所攻擊則相屯聚刻木為契其首領姓謝氏其名  
見於唐至天成二年嘗一至其使者曰清州八郡刺史宋  
朝化冠帶如中國貢草豆蔻二萬箇朱砂五百兩蠟二  
百斤  
昆明在黔州西南三千里外地產羊馬其人椎髻跣足披氊  
其首領披虎皮天成二年嘗一至其首領號昆明大鬼主羅  
殿王昔露靜王九部落各遣使者來使者號若土附牂牁  
以來

占城在西南海上其地方千里東至海西至雲至南南鄰  
真蠟北抵驩州其人俗與大食同其乘象馬其食稻米水  
兕山羊鳥獸之奇犀孔雀自前世未嘗通中國顯德五  
年其國王因德漫遣使者蒲訶散來貢猛火油八十四瓶  
蓋微水十五瓶其表以貝多葉書之以香木為函猛火油  
以灑物得水則出火蓋微水云得自西域以灑衣雖敝  
而香不滅五代四夷見中國者遠不過于闐占城史之  
所紀其西北頗詳而東南尤畧蓋其遠而罕至且不  
為中國利害云

